





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 993 4°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 993 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 993 4°




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 993 4^a


4-13

LN 993

M







CARMEN
DE CREATIONE, LAPSV, ET
redemptione generis humani.

REVERENDO

VIRO, PIETATE, ERVDITIONE,
ET VIRTUTE PRÆSTANTI: DOMI-
no IACOBO OLAI Væhanio, Ministro verbi diuini
apud Aahusianos fideliss: & præposito
prouinciæ Villandsherdianæ
vigilantissimo,

ET
RELIQVIS SERVIS IESV CHRISTI
VENERABILIBVS, ET MINISTRIS
Ecclesiarum Villandsherdianarum, Dominis & Fratribus
in Christo plurimum dilectis, Christianæ pietatis &
mutuæ fraternitatis ergo dedicatum

AB
HENRICO GEORGIO
Hafniensi.

Accessit præterea eiusdem Elegia de signis extremum
filij Dei domini ac saluatoris nostri Iesu Christi in hunc mun-
dum aduentum, præcedentibus.

*Impressum Hafniæ, per Matthiam
Vinitorem, 1586.*

[Faint, mostly illegible handwritten text in a historical script, possibly Latin or Old Norse, covering the majority of the page.]



CHRISTI VENE-
RANDO SACERDOTI, REVEREN-
DO DOMINO IACOBO OLAI

*Vahano, præposito suo cum
primis obseruando*


S. D. P.

Diuinos inter, memorabile lumen, alumnos
Esse salutatum te mea musa cupit,
Qui Christi es seruus, polles & acumine mentis,
Et merito docti nomen adeptus habes;
Sublato tradis sanctissima dogmata furo,
Et monstras populo limen adire poli;
Nocturna versare manu, versare diurna
Non sine fructu amplo Biblia sacra soles;
Muneris hoc missum placido rogo suscipe vultu,
Atq; id commendes fratribus ipse alijs,
Quos ornat pietas, & honoribus inclyta virtus,
Et quibus est cæli pandere cura viam,
Quod lege cunq; fero, placeat studiosa voluntas,
Sic non vile suo carmen honore vacat.
Nestoreæ fælix supera tria secula vitæ,
Incolumis vigeant cætera turba chori.

Henricus Georgij
Hafniensis.

A 2

Te



E precor alme Deus, qui cælum & sydera fulcis
Legibus æternis, & gnati voce perennem
Colligis in terris gentem, pro talibus omnes
Quæ meritis annos in cælis excita bustis

Læta tuum nomen celebrabit, vota benigne
Vt nostra admittas: tibi curæ ecclesia namq̃ est,
Atq̃ pijs faciles vires conatibus addas.

Cor, mentem, linguam, cælestibus imbue donis
Sancte pater: Nam quo placeant ex ordine cuncta.
Principio & finis consentiat, ardua miris
Exornata modis, tua facta & maxima dona.
Fert animus memorare, & latè spargere in orbem.

Magna quidem subeunt mentem primordia rerum,
Quarum fundamen solido molimine iecit
Qui initio cæli miranda cacumina pandens,
Phæbeos radios, & fulgida cornua Lunæ,
Vmbriferas nubes ac orbam lumine noctem,
Fulgura cum tonitru, lapidosum grandinis imbrem,
Et rapidos motus ventorum cunctaq̃, fecit.

Hinc vastam terræ molem, camposq̃ liquentes,
Et gelidos fontes, & sylvas lustra ferarum,
Omne genus volucrum, pecudesq̃, ferasq̃, creauit.

His ita dispositis referens simulacra creantis
Factus homo è terra est, cælesti lumine vt ardens
Viueret, ad superos versis oculis neq̃ vultu
Fluxa hæc spectaret, veluti genus omne ferarum:
Quin magis erecto lustraret corpore cælum,

Vnde

Vnde beata salus cunctis mortalibus, vnde
Expectata pijs æternæ gaudia vitæ;
Vtq; Deum grata celebraret voce parentem,
Imperioq; suo daret omne sub æthere viuens,
Quicquid habet terræ facies aut gurgitis aluus.

At pater omnipotens hortum plantarat eûm,
Diues odoratos qui, præbuit vndiq; fructus,
Tardaꝫ sudanti spirauit balsama succo,
Vsus erat quorum neonymphis gratus & aptus;
Ritè vbi in vmbroso frondosa cacumina luco
Plumea struxerunt dulces animalia nidos,
Cura quibus semper teneros excludere fœtus,
Et liquidos cantu campos implere sonoro.

x Non saturata fimo, nec saucia vomere tellus
Munera sed glebis non iacto semine promsit.
Non, oculis captus perfodit viscera morsu
Talpa soli, campis infesta locusta decorem
Nec depasta fuit, florebant omnia spontè.¹

Flumineo diues tractu, voluebat arenas
Pontus gemmiferas & fului grana metalli.
Talibus & tantis florenti laudibus horto
Cultorem dominus solum præfecit Adamum:
Mille voluptates cepit sine crimine, vitæ;
Non vestis nudum texit velamine corpus,
Nec suffusa rubrum monstrarunt ora pudorem,
Libera sed vitij maculis mens corpore fulsit.

Cumq; creata parj astrinxisset iure , dolebat
 Adamum terris solum sine compare vitam
 Degere, rapta cuj fuerant solatia cordj.
 Mox illum somnus , curarum mite leuamen,
 Corripuit ; viridem prostratus membra per herbam
 Dum cubuit, rupto stertentis viscere costam
 Extulit, & pulchram formauit corpore nympham:
 Ille soporifero resolutus lumina somno ,
 Contemplans nouit factam de carne maritam :
 Vibratis pugnans oculis sub pectore motus
 Sentijt occultos : nam Spiritus vltro citroq;
 Permeat ; interno dum accensus inæstuat igne ;
 Talibus hinc dictis resonantia labra resoluit :
 Nympha *V E N I*, nostræ quæ sis dulcissima vitæ
 Gloria, deliciae cordis, comes atq; virago ,
 Te sine nulla *V E N I* requies , mihi sola placebis.
 Ætherej circum stipante cohorte theatri
 Altitonans genitor sponsam produxit amœnam,
 Quam stipulatus ej sacratio fœdere Natus
 Æterni patris , & coniunxit numine Flatus
 Ambos, legitimj fœcundans gaudia lecti.
 Nulla vnquam tales hymenæos secla tacebunt ,
 Æterno memorent quin sacra cubilia versu.
 Constitit in medio luco spectalibus arbor ,
 Quæ Ambrosio enixa est vitales germine fœtus ,
 Cuius erat vetitum ramis decerpere fructum ;

Sed

*Sed sacra primæuj tempserunt iussa parentes ;
Et colubri persuasa dolis , & corde tumescens x
EVA tulit pomum , quod tradidit ipsa marito ;
Sic simul infælix consortis iussa peregit ,
Dum cepit morsu malum conuellere hiantē.
Heu detestandum facinus, miserabile dictū,
Heu quantam mundo dabat improba culpa ruinam.
Dic quæ tanta tuam cepit dementia mentem ?
Nonne fuit melius monitis obedisse Tonantis,
Quam stygijs vafra seduci fraude colubri ?
Quin veluti clauso lupo insidiatur ouili,
Cum fremit ad caulas ieiunia passus & imbres,
Nocte intempesta : & cum dira fatigat edendi
Hunc rabies furit, atq; illi sunt sanguine fauces
Siccæ, & inexpletum diuexant tormina ventrem :
Sic Sathanas prædo stygius nos vndiq; circum
It fremitu horrifono, tantumq; hoc spectat & optat,
Vt miseros qui te solum pie Christe fatentur ,
Teq; colunt subito prosternat , & omnibus vno
Impete prostratis exultet, & ampla reportet
Victorum spolia, & stratos in funera vertat.
Nunc ingratus ager steriles producit auenas,
Et rigidas lappas , & acutam cuspide spinam ;
Culta fimo quamuis saturantur iugera campi
Nec dominum raro ipsa suum vindemia fallit ;
Fæta solo natura negat producere messem :*

Horri.

*Horrida nonnunquam tempestas sternit aristas,
Sæpe negat pluuias cælum sitientibus aruis:
Ab quoties agrum nimbosus diluit imber,
Vt sata non possint madidis emergere sulcis.*

*Hinc trepidis ambo turbati pectora curis
Laticomæ satagunt folijs se abscondere fici,
Lucentes veriti vestigia ferre per auras.
Rex superum rutuli descendens vertice cæli
Adamum reuocat, qui post virgulta latebat:
Nudus in aspectum metuit prodire Deorum,
Æthera sed lachrymis pulsauit mæstus amaris.*

*In campo veluti florem depasta rosarum
Spina riget, nec habent redolentes germine vires:
Sit stetit æternæ spoliatus honore salutis.
Ante eius faciem scelerum iustissimus ultor
Exitit, ad dextram rigida sententia legis
Pendebat mentem deterrens indice culpæ:
Et fera clausit ej telis mors cincta sinistram:
A tergo stygius crudelis falce tyrannus
Læthæis mortale genus vincire catenis
Promptus, & æternis damnatum tradere pœnis:
Vidit & inferni tenebrosum carceris antrum,
Tartareasq; faces lachrymoso ascendere ab orco.*

*Haud mora, consilij quo opus est, cito dicitur hora,
An meritis hominem patrato crimine pœnis
Traderet, aut iræ minitantes fulmina motus
Sisteret, & gratis miseris succurrere mallet.*

Ense

Ense ferox prodit radianti lumine virgo
(Pendebant nitido cui texta monilia collo)
Quæ fuluo deuincta caput diademate, cuius
Dextra manus sceptrum Regali more tenebat :
Cunctarum, dixit, iussis vestigia rerum
Parent, & dicto citius mandata capeffunt.
Sum potis infernum prosternere viribus hostem,
Tartareas turbare domos, extinguere flammæ
Cocyti, rigida calces imponere morti.

Proxima quinetiam stimulis agitata furoris
Casside tecta comas, radiabant lumina flammis,
Vna manus gessit destrixtum cuspide ferrum,

Altera monstrauitq; operosa volumina legis :
Iusticiæ, mihi semper ait, fuit integer ordo
Curæ, neglectis fera punio crimina iussis,
Non ullus veniæ locus est, delicta rependo.
Vix animi potuit conceptum promere verbis
Concita, vindictæ tantas exarsit in iras.

Tertia processit stimulis agitata dolorum,
Pupureis lacerata genis, inflicta lacertis,
Cœlicolis, dicens, credam mortalia curæ ?
Præcipitent totum cœlestia numina mundum ?
Sæpius hæc geminans, lachrymas cumulauit amaras ;
Prona cubans genubus ramum protendit olyuæ,
Exorans veniam miseris, sic ora resoluit :
Alme parens rerum, superum mitissime rector,

B

Huma

Ense

*Humani generis tu solus factor & author,
Accipe sollicitos tibi fusos pectore questus,
Et mitis vultum miseris aduerte querelis :
Cum tua sit vetitis maior clementia factis,
Annue iam precibus iustæ placabilis iræ:
Nam maior stricto tua gratia iure, nec optas
Ut fera mortalem subuertant fulmina gentem,
Mox rupit pressis tacitura silentia labris.*

*Quarta gradu properans serto redimita capillos
Incessit niueum circumdata syrmate corpus,
Cui fuerat melior reliquis sententia cordi :
Ipsa scio, dixit, tantam componere litem,
Idq̃ breui faciam dubios euadere casus,
Omnia terrificis succedant prospera rebus :
Hæc medio (mirum) statuit consulta senatu,
Filius ut Christus solio descenderet alto,
Et misera vniret sibi nostræ viscera massæ ;
Nam peccator homo meruit persolvere dignum
Supplicium facto, quod non perferre valebat,
Ne subiecta neci fragilis natura periret)
Idq̃ egit ; geminam nectens sibi fœdere stirpem
Et si illam externo carnis velauit amictu.*

*Immanuel nobis completo tempore venit,
Purus homo pura natus de virginis aluo ;
Cœlica firmavit miris qui oracula factis,
Ipsa fidem dictis fecit res, agmina verbo*

Auxit,

*Auxit, & esse ratam iussit, post fata salutem :
Hic magnum sese magni patris incrementum
Declaravit, ej se subdidit orbis & orcus ;
Sed furibunda phalanx, cui rem decernere ferro
Cura fuit, palmas vinctum post terga trahebat
Iudicis ad tectum, vitij ne labe notatum
Traduxit rabido fremitu, clamoribus instans,
Nec contenta prius quàm Christum lumine cassum
Vitalj aspiceret crucis alta è mole tuentem.
Pars violenta genis inflixit verbera iustis ;
Pars faciem spūto fœdavit, & ora resoluit
Scommatibus ; reliqui torquent pia tempora spinis ;
Nec satis hoc, falso damnatum crimine mortis
Ad loca supplicij ducunt, miserabile visu.
Hic insons inter fontes in stipite passus,
Brachia distentus, perfossus vulnere pectus,
x Sanguineum fudit riuum, quo crimina delet.
Fama refert volucrem constructos arbore nidos
Linquere, dilectis & pabula quærere pullis :
Mox nocuus tetrum coluber fel gutture ructans
Inficit afflatu fœtus per membra veneni :
Cum repetat mater nidos, & lumine cassos
Vitali offendat pullos, incumbit acerbo
Mœrori, tristes poterit neq̃ ponere curas :
Vulnifici rodit sua viscera cuspide rostri,
Pectoris è rima stillante liquore cruoris*


B 3

Quo

Quo amissas reuocat pullis sub pectore vires :
 Sic etiam stygio nos lesi viscera morfu ,
 Cælestis fuimus spoliati iure salutis:
CHRISTVS at infectos gelidi nos tæbe venenij
 Sanguinis imbre rigans, vitam mortalibus affert;
 Hic procul offensi iustam patris abstulit iram,
 Et fera deleuit sceleris vestigia mundi,
 Vimq; necis, legisq; minas, orciq; dolores,
 Tritaq; sub pedibus Serpentis colla subegit,
 Luctifoni victor vastauit carceris antrum,
 Et nobis aditum ad cælorum gaudia fecit.
 Nunc igitur tristi soluentes pectora luctu ,
 Mortales toto letarij pectore fas est :
 Ac decet admonitos vitijs imponere frenum,
 Et studiose animum sacris assuescere rebus ;
 Supremoq; patri laudes effundite, rerum ,
 Qui cælij stellas, & terræ limina fecit :
CHRISTO, qui iunxit nostram sibi fœdere massam,
 Officij memores meritas persoluite grates :
 Carmine condigno & **FLAMEN** veneraminj amicj,
 Quod latebras animæ diuini thuris odore
 Lustret, & æthereo renouet præcordia motu :
 Ille quidem præstat dubijs solatia rebus ,
 Cum rapido fatj tristes affligimur æstu.
 Hæc omnes vnj decet & persoluere trino
 Maiestate Deo, qui iusto tempore diues
 Perpetuæ reddet cælestia gaudia vitæ.

E L E.


ELEGIA
 DE SIGNIS EX-
 TREMV M IESV CHRISTI
 ADVENTVM PRÆ-
 CESSVRIS.

 Mnia spectamus mutatum sortibus irj,
 Mundanis finem rebus adesse reor.
 Vltima tempestas mundi clangore tubarum
 Imminet, hoc nobis plurima signa probant:
 Sol ferrugineo radios velamine condit,
 Tincta nigro perdit Luna colore decus.
 Præcipites labi cernuntur ab æthere Stelle,
 Attonitus stimulo concutit ossa timor.
 Stridula ventosis cæli tonat aura procellis,
 Et sonat impulsæ fluctibus vnda maris.
 Bellorum fremitus per singula regna valescunt,
 Sanguinis effuso rore madescit humus.
 Tabida pestiferis torrentur viscera flammis,
 Mille feræ mortj tradit acerba lues.
 Corripit atra fames exhaustum robore corpus,
 Pallida rugosis inficit ora notis.
 Victa iacet pietas, succumbit candor honestj,
 Cana fides cessit, crescit in orbe scelus.

B 3

Prodi.

*Prodiga luxuries enervat corpore robur,
Frugalis vitæ nec scit amare decus.
Non remorante furit præceps audacia, freno,
Et turpis lucrj regnat auara fames.
Dant multi vitijs prono suffragia vultu,
Virtutum terris exulat omne decus.
His moniti signis tollemus ad æthera vultus,
Euenit vnde pijs non peritura salus.
CHRISTE VENI, superas cæli nos transfer ad oras,
Cælica iam resonat buccina, **CHRISTE VENI**,*



*Folio 3. a. facie 2. legatur pro spectalibus spectabilis. Et
fol. 2. b. fac. : 2. pro pectore pectore.*

adoras,
ENI,

Et

